

Sarajevo, 30 -11- 2022

Broj:

18-123-51899

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta (Sl.novine FBiH br. 73/13), člana 21. Pravilnika o javnim nabavkama Kliničkog centra Univerziteta u Sarajevu (br.0202-14544/17) na prijedlog Komisije za javnu nabavku Izvještaj br. 10-33-4-51506-1 od 29.11.2022. godine, Generalna direktorica donosi:

### ODLUKU

o poništenju postupka javne nabavke za  
„Nabavku i isporuka soli za potrebe hemijske pripreme vode u termoenergijskim postrojenjima“

#### I

Prihvata se prijedlog Komisije za javnu nabavku, Izvještaj br.10-33-4-51506-1 od 29.11.2022. godine, za nabavku i isporuka soli za potrebe hemijske pripreme vode u termoenergijskim postrojenjima, nakon provedenog konkurentskog zahtjeva sa objavom Obavještenja o nabavci br. 893-7-2-697-3-574/22 od 09.11.2022.godine, **da se postupak nabavke poništi**, u skladu sa čl. 69. stav (2) pod d) ZJN (ne ispunjavaju tehničke zahtjeve ugovornog organa koji se odnose na ponudene proizvode).

#### II

Ova Odluka stupa na snagu danom donošenja i u skladu sa zakonskim propisima će biti istovremeno dostavljena ponuđaču učesniku postupka javne nabavke i objavljena na web stranici KCUS-a.

### OBRAZLOŽENJE

Na osnovu Odluke o pokretanju postupka javne nabavke br. 58-11-7-47709-1 od 03.11.2022. godine, Klinički centar Univerziteta u Sarajevu (u daljem tekstu KCUS) je na portalu javnih nabavki e-Nabavke objavio Obavještenje o nabavci broj: 893-7-2-697-3-574/22 od 09.11.2022.godine, za nabavku i isporuka soli za potrebe hemijske pripreme vode u termoenergijskim postrojenjima, za potrebe KCUS-a, putem konkurentskog zahtjeva. Procijenjena vrijednost nabavke je 8.000,00 KM bez PDV-a.

Kriterij vrednovanja ponuda je najniža cijena tehnički zadovoljavajuće ponude. Za postupak nabavke predviđeno je provođenje e-Aukcije.

U skladu sa članom 88. Zakona o javnim nabavkama („Službeni glasnik BiH“, broj 39/14), poziv za učešće u postupku nabavke upućen je ponuđačima:

- Foreks BH d.o.o.Tuzla
- Vega-Mix d.o.o Živinice
- CREDIBIL COMPANY d.o.o Sarajevo

Tendersku dokumentaciju, koja je objavljena na portalu e-Nabavke i samim tim dostupna svim registrovanim ponuđačima, preuzelo je 9 (devet) potencijalnih ponuđača: eKapija d.o.o.; BBS Europe; DIT d.o.o. Tuzla; GOLD MIGNON D.O.O.; R&S D.O.O. SARAJEVO; FOREKS BH d.o.o. Tuzla; BOM IMPEKS DOO.; SEMIKEM D.O.O. SARAJEVO; INTER-COM D.O.O ZENICA

U predviđenom roku za dostavu ponuda, 18.11.2022. do 09:30 prema Zapisniku o zaprimanju ponuda br. 58-33-4-50184 od 18.11.2022.godine, dostavljene su dvije ponude, ponuđača “ SEMIKEM“ d.o.o. Sarajevo“ 10-11-3-49828 od 16.11.2022., u iznosu od 8.000,00 KM bez PDV-a i GOLD MIGNON“ d.o.o. Sarajevo 10-11-3-49986 od 17.11.2022.g. u iznosu od 7.950,00 KM bez PDV-a

Javno otvaranje ponuda održano je dana 18.11.2022. u 10:00 sati, sati u sali za sastanke na lokaciji Objekat Tehničkog sektora (C9). Zapisnik sa otvaranja ponuda br. 58-33-4-50184 -1 od 18.11.2022.godine, u zakonskom roku je putem e-maila dostavljen ponuđaču učesniku postupka javne nabavke.

*Handwritten signature*

Komisija imenovana Odlukom broj: 01-04-4-49869 od 16.11.2022.godine, sačinila je Zapisnik o pregledu i ocjeni ponuda br. 10-33-4-51506 od 29.11.2022. godine u kojem je konstatovala da je dostavljene ponude **kako** slijedi:

- a) Ponuda firme „SEMIKEM“ Sarajevo ocijenjena je kao neprihvatljiva, zbog toga što ne ispunjava tehničke zahtjeve ugovornog organa koji se odnose na ponuđene proizvode.

Aneksom 3 Tenderske dokumentacije / tabela 3.1 / kolona 8 od ponuđača je traženo da se, u okviru sadržaja ponude, dostavi atest/certifikat/deklaracija proizvoda kojom treba da se dokaže da tražene fizičke i hemijske karakteristike proizvoda koji se nude odgovaraju fizičkim i hemijskim karakteristikama proizvoda koji se traže. U konkretnom slučaju, ponuđač je dostavio tehničke specifikacije ponuđenih proizvoda izdatih od strane proizvođača, ali na tim specifikacijama nisu navedeni (a trebaju da budu navedeni) sljedeći podaci koji se traže Tenderskom dokumentacijom, i to:

(1) za traženi proizvod pod brojem 3.1.1 Tehničke specifikacije i zahtjeva - sitna industrijska evaporisana nejudirana sol:

- pH vrijednost
- sadržaj NaCl izražen u procentima (%)
- sadržaj H<sub>2</sub>O izražen u procentima (%)

(2) za traženi proizvod pod brojem 3.1.2 Tehničke specifikacije i zahtjeva – tabletirana sol visokog stepena čistoće i stepena iskorištenja (topljivosti):

- podatak kojim se ističe da hemijske osobine proizvoda odgovaraju zahtjevima Standarda EN 973, tip A

- b) Ponuda firme „GOLD MIGNON“ Sarajevo ocijenjena je kao neprihvatljiva, zbog toga što ne ispunjava tehničke zahtjeve ugovornog organa koji se odnose na ponuđene proizvode.

Aneksom 3 Tenderske dokumentacije / tabela 3.1 / kolona 8 od ponuđača je traženo da se, u okviru sadržaja ponude, dostavi atest/certifikat/deklaracija proizvoda izdanu od strane proizvođača, a ne prodavca/ponuđača.

U konkretnom slučaju, ponuđač je dostavio tehničke specifikacije ponuđenih proizvoda izdatih od strane firme „forEks BH“ d.o.o. Tuzla na kojima je naznačeno da je navedena firma dobavljač.

Također, na internetskoj stranici firme „forEks BH“: <http://foreksbh.com/proizvodnja/> nije navedeno da se ova firma bavi proizvodnjom soli za potrebe hemijske pripreme vode u termoenergijskim postrojenjima

Uzimajući u obzir utvrđene činjenice koje su opisane u tački 3. Izvještaja, Komisija predlaže da se postupak javne nabavke pod nazivom: „Nabavka i isporuka soli za potrebe hemijske pripreme vode u termoenergijskim postrojenjima“ Izvještajem br. 10-33-4-51506-1 od 29.11.2022. godine, poništi u skladu sa Članom 69., stav (2), tačka d) Zakona o javnim nabavkama („Službeni glasnik BiH“ br.39/14) zbog toga što nijedna od primljenih ponuda nije prihvatljiva. Shodno navedenom, odlučeno je kao u dispozitivu odluke.



**GENERALNA DIREKTORICA**

**Prof.dr Sebiha Izetbegović**

**POUKA O PRAVNOM LIJEKU:** Protiv ove Odluke može se izjaviti žalba, najkasnije u roku od 5 (pet) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponuđaču
- Tehnički sektor
- a/a KCUS

*Handwritten signature/initials*